

13

Epad tri bla e poanias, hag e poanias dalc'hmad  
 Da zistrei ar bec'herien, da gelen an dud vad ;  
 Goude beza gonçet kalz eneou da Zoue,  
 E oue, leun a viritou, galvet da vont d'an Ee.

14

E Rom, oue gret kalz henor da relegou ar Zant,  
 Ha goude, menac'h santel ho dougas da Larchant ;  
 Hag eno e oue guelel pelerined a bell  
 O tont gant devosion da c'houlen he skoazel.

15

Meur a chapel 'ne henor zo bet gret abaoe,  
 Hag unan hon euz ive var zouarou Plouye ;  
 Gant hon tadou oue savet, dre anaouedeged vad  
 Evit ar Zant beniget a oa outho ken mad.

16

Evel gueichall hon tadou, ni fell domp kenderc'hel  
 D'henori Sant Mathurin, o pedi 'n he chapel ;  
 Ennhî e kaver yec'hed ar c'horf hag ann ene,  
 Hag ive grasou nerzuz da vont varzu an Ee.

**Imprimatur :**

*Quimper, le 4 Mai 1903.*

E. FLÉITER, Vic. gén.



PARREZ PLOUYE

## Guerz Sant Mathurin <sup>(1)</sup>

Tox Kelven, pe : Breuriez ar Feiz.

**DISKAN :**

Kanomp da Zant Mathurin, kanomp eur verz neve ;  
 Studiomp holl gant evez kenteliou he vue,  
 Ha bezomp leun a fianz e skoazel gallouduz  
 Eur zant hag a ro aman grasou ken talvouduz.

1

Sant Mathurin, ginidik euz a gerik Larchant,  
 Abred mad a ziskouezas 'vije eun deiz eur zant ;  
 Rag, daoust ma oa payaned hag he dad hag he vamm  
 E chomas 'n he yaouankiz bepred fur da diviamm.

2

Doue roas d'ar zantik an heur-vad da glevet  
 Komzou eun eskop santel (Polycarp oa hanvet) ;  
 Ganthan e oue kenteliet, ha ganthan oue ive  
 E dour zakr ar vadiant gret bugel da Zoue.

(1) Pardon braz sant Mathurin a ve gret d'an eil zol a viz Mae.

3

Eur veich gant Mathurini kave ar sklerijen,  
 Ne lezas ket he gerent 'kreiz an denvalijen ;  
 Var bouez ober pinijen, ha pedi evithe,  
 D'he vamm, d'he dad e reas anaout ar guir Doue.

4

Sant Polycarp, o velet he vue ken parfet,  
 Hen galvas, d'he ugent vla, da veza beleget.  
 Savet d'eur gark ken huel Mathurin a boanias  
 Da lakât he zantelez da greski muioc'h c'hoaz.

5

A hent all, digant Doue ar Zant hen devoa bet  
 Galloud d'ober burzudou, burzudou kaer meurbed,  
 Hag he vrud a oa redet pell-pell e mæz ar vro,  
 Ha betec Rom oa neuze anvêet he hano.

6

An Impalaer Maximin oa nec'het he spered ;  
 He verc'h Maximiana oa, siouaz ! possedet ;  
 Hag an diaoul a embanne, dre c'hinou ar brinsez,  
 Ne oa 'met Sant Mathurin evit he gass er mæz.

7

Setu eta kannaded karget gant Maximin  
 Da vont tre bete Larchant da glask Sant Mathurin ;  
 Mes, kerkent ma oue skignet ar c'helou dre ar vro,  
 He vignoned, he gerent a oue nec'het maro.

8

Buhan avad e teuas ar gannaded a benn  
 Da lakât ar sperejou dispont ha dianken.  
 « Pa vo ganthan, emezint, ar brinsez dilivret,  
 « An del zantel ganomp-ni d'ar ger vo digasset. »

9

Sklerijennet gant Doue, Mathurin a zentas,  
 Ha da heul ar gannaded, var eul lestr e pignas,  
 Mes ar mor, 'pad ho beach, a oue ken dirollet  
 M'en em gavjont e danjer holl da veza kollet.

10

'Vel gueichall an Ebestel var mor ar Galile,  
 An holl dud, er vatimant, gant ar spont a grene ;  
 Ar Zant a bedas Doue, ha Doue, d'he beden,  
 Reas d'ar mor kounnaret chom sioul en eun tol krenn

11

Pa oue e penn he veach Mathurin digouêet,  
 Prim ez eas da velet ar brinsez possedet ;  
 Ha, kerkent m'en em lakas da bedi evithi,  
 E rankas an drouk spered tec'het pell diouthi.

12

Ar Zant, goude, a chomas e Rom epad tri bla,  
 Ha liez gueich e reas ar burzudou kaera ;  
 Pa oa neve digouêet, dre c'halloud he beden,  
 E tilivraz ar ger-ze taget gant ar vosen.